

اهتمام

اهل القصور اتقني راحة اهل الخيام
والفقراء ملعون لا من سل جنبيته
يا صاحبي صاحبك لو طال فيه المقام
على دروب الوصال وخط مرثيته
غلاك ما مرفي صدره مرورا الكرام
لكن خطاك ايتصادم مع مثاليته
لك غصن تقدير في صدره وعذق احترام
ما ينكر العهد لو ان الضمى بيته
وان كنت تحسب على ضعفه يجيك انهزام
والله ليتعبك ماشفت انهزاميته
ابشرك تنبض احلامه ووجاله تمام
لوميسم البعد من يقوى على كيته
وليا سمعت بخبر موته وعفت المنام
الله يعينك على فقدده قبل ديته

عطا الله ممدوح

ما احتاج منك كلام احتاج منك اهتمام
حالاته الحبيب في صدقه وعفويته
لو ازهرت في ثرى سمعي غصون الكلام
دون اهتمام وموده كننها ميته
نظرة ويسمة تكفي عن كلام الأنعام
الي يبين غلاق قلبك وحننيته
لو ان كسر الخواطر مثل كسر العظام
كل جبر خاطره واقضى على نيته
لكن على الملام ولا عليك الملام
يستاهل الجرح من يرضى بماريته
وليا انكر الغصن لأوراقه وطار الحمام
ماعاد يغريه لا لونه ولا فيته
والله لو اني صحاري وانت وصلك غمام
ماني شقوق على شوفه ولا جيته
الي حطبني بفاسه ما تركني حطام
اشعل هشيم الضالوع بنار وحشيته
ابسأله بعد هذا كيف عينه تنام
ماكل من هو طابق يعيش حرته

